

醫

方

論

醫方論卷三

理中湯

白朮

陳壁土炒

人參

乾薑

炮甘草

炙一兩

每服四錢白利腹痛者加木香不痛利多者
倍白朮渴者倍白朮倦臥沉重利不止加附
子腹滿去甘草嘔吐去白朮加半夏姜汁臍
下動氣去朮加桂悸加茯苓陰黃加茵陳寒
結胸加枳實本方等分蜜丸名理中丸

寒有外感。有傳經。有直中。有痼冷。外感之寒。先病在表。後傳入裡。必發熱而惡寒。此傷寒之寒病也。直中之寒。手足厥冷。並不發熱。痼冷在內。遇寒而發。暴殄厥逆。其勢尤重。此中寒門之寒病也。施治之法。傷寒一門。在表者。宜辛散。傳裡者。宜辛溫。中寒一門。則每用辛熱。回陽急救之法。此傷寒中寒治法之分也。埋中湯治傷寒太陰病。腹痛便溏等症。亦通。

治中脘虛寒。惟云治結胸吐衄感寒霍亂。此兩條別宜去人參甘草。量加厚朴砂仁等味爲安。

四逆湯

附子

一枚生用

乾姜

一兩

甘草

炙二兩

冷服。面赤加

葱九莖。腹痛加芍藥二兩。咽痛加桔梗一兩。

利止脈不出。加人參二兩。嘔吐加生姜二兩。

四逆湯爲四肢厥逆而設。仲景立此方以治

傷寒之少陰症若太陰之腹痛下利完穀不化厥陰之惡寒不汗四肢厥冷者亦宜之蓋陰慘之氣深入於裡真陽幾幾欲絕非此純陽之品不足以破陰氣而發陽光又恐姜附之性過於燥烈反傷上焦故倍用甘草以緩之立方之法盡美盡善後人分傳經爲熱厥直中爲寒厥程郊倩譏之然亦有未可盡非者仲景曰傷寒一二日至四五日而厥者必

發熱應下之。此明明說厥逆在前發熱在後。及至發熱則不復厥冷。乃傷寒失下之症。故絳蕩邪滯。則發熱自退。本非爲厥而不熱者言也。程氏又云。下之者。下其熱。非下其厥也。遇發熱則可下。遇厥則萬不可下。此數語最爲明白了。當可見傳經之邪。亦自有當下者。但不可概謂之熱厥耳。四逆者。必手冷過肘。足冷過膝。脈沉細無力。腹痛下痢等象咸備。

方可用之。否則不可輕投。

當歸四逆湯

當歸 桂枝 芍藥 細辛 三兩 甘草 炙

通草

二兩

五枚

仲景又曰其人素有久寒

者加吳茱萸二觔。生薑半觔。酒六升。和煮名四逆加吳茱萸生薑湯。

厥陰爲藏血之經。故當歸四逆湯以和榮爲主。加桂枝細辛以和衛榮。衛和則厥自解矣。

雖有寒而不加姜附者。恐燥烈太過。劫陰耗血也。

四逆散

柴胡 芍藥 炒 枳實 麩炒 甘草 炙 等分爲末

水調飲

四逆散乃表裡並治之劑。熱結於內。陽氣不能外達。故裡熱而外寒。又不可攻下。以礙厥。故但用枳實以散鬱熱。仍用柴胡以達陽邪。

陽邪外泄則手足自溫矣。

真武湯

附子

炮一枚

白朮

炒三兩

茯苓

白芍

炒

生姜

三兩

北方曰幽都。乃陰寒濕濁之地。賴真武之神。運用水火以鎮攝之。濁陰方漸得解散。此方取名真武。乃專治腎臟之劑。坎之爲象。一陽居二陰之中。水中之火。是爲真火。此火一衰。

則腎水泛濫。停於下焦。則腹痛自利。水氣犯中焦。則作噦。欲吐不吐。水氣犯上焦。則咳嗽。心悸頭眩。方中姜附以助真陽。用苓朮以制二陰水氣。一收則上中下三焦俱無病矣。

白通加人尿猪胆汁湯

葱白

四莖

乾姜

兩一

附子

兩炮一

人尿

五合

猪胆汁

一合

少陰病下利。脈微服白通湯。後利不止。厥逆無脈。此爲陰寒過甚。陽氣將絕之候。加人尿

猪胆汁者。以類相從之義也。服後脈暴出。則陽氣盡泄。孤立無依。故隨脫而死。脈微續者。陽氣漸回。以次可復。故得生。外用葱艾熨灸氣海關元。表裡通陽。亦爲善策。

吳茱萸湯

吳茱萸 泡一升
人參 三兩
大棗 十二枚
生薑 六兩

吳茱萸。辛烈善降。得姜之溫。通用以破除陰。

氣有餘矣。又恐辛燥太過耗氣劫陰。故用人參大棗之甘緩以濟之。又能補土扶陽使濁陰不得上干清道。治法更爲周到。

大建中湯

蜀椒 二合 乾姜 四兩 人參 二兩 煎去滓內飴

糖一升微煎溫服

非人參不能大補心脾。非姜椒不能大祛寒氣。故名曰大建中。又有飴糖之甘緩以殺姜

椒之辛燥非聖於醫者不辨有此。

十四味建中湯

黃芪

蜜炙

人參

白朮

土炒

茯苓

甘草

蜜炙

半夏

姜製

當歸

酒洗

白芍

酒炒

熟地

川芎

麥冬

肉蓯蓉

附子

肉桂

加姜棗煎

於十全大補中又加四味。究竟陽藥太多。若以治陰虛之勞瘠。非抱薪救火乎。至藥令建中湯。加柴胡。細辛。之開透善走。欲其建立中。

氣不亦難乎

小建中湯

桂枝 生薑 三兩 芍藥 六兩 甘草 炙一兩

大棗

十二枚

八飴糖一升微火解服

肝木太強則脾土受制脾陽不運虛則寒生陰氣日凝陽氣日削故見腸鳴泄瀉腹痛等症小建中湯之義全在抑木扶土當從吳氏之說用肉桂而不用桂枝肉桂溫裡桂枝

解表用各有當也。且肉桂性能殺木。合芍藥以制肝。又用姜棗甘草飴糖之甘溫以補脾。斯中州之陽氣發舒而陰寒盡退矣。

白朮附子湯

白朮 二兩 甘草 一兩 附子 炮一枚 每服五錢

姜五片棗一枚煎

此爲治腎風之藥。腎爲水臟。得火則平。而濁陰退聽矣。若肝風頭眩。則當用養血之劑。悞。

用此方則風火相搏而病益劇不可不知

益元湯

附子

炮

乾姜

艾葉

黃連

知母

人參

麥冬

五味子

甘草

加姜棗蔥

煎白

入童

便一匙冷服

戴陽者陰不抱陽虛陽上浮幾幾欲絕若誤作熱症治立見敗壞此方用姜附艾葉以回陽用生脈散以歛陰使陽回氣復陰能抱陽

可無虛脫之虞矣。

回陽救急湯

附子炮 乾姜 肉桂 人參 五分 白朮

茯苓錢一半 夏 陳皮七分 甘草二分 五味子九粒

加姜煎入麝三厘調服脈無加猪胆汁泄瀉加
升麻黃芪嘔吐加姜汁吐涎沫加鹽炒吳茱
萸

此方治中寒之緩症則可若云救急則姜附

中又合六君五味子反令姜附之性多所牽制。不如四逆湯爲能斬關奪門也。

四神丸

破故紙

酒浸一宿炒四兩

五味子

炒三兩

肉荳蔻

麩裏煨二兩

吳茱萸

鹽湯泡一兩

用大棗百枚生姜八兩切片

同煮爛去姜取棗肉搗丸每服二錢臨卧鹽

湯下

命門爲日用之火。所以薰蒸脾胃運化穀食。

若腎瀉者。宜二神丸。脾瀉者。若由木旺尅土。則吳萸能散厥陰之氣。用以抑木。則可。非此則不如去五味。吳萸加茴香。木香者之爲佳也。

感應丸

木香

肉苳蔻

丁香

一兩五錢

乾姜

炮

百草霜

一兩

杏仁

一百四十粒去皮尖

巴豆

七十粒去心皮膜油

巴豆杏仁另研同前藥末和勻用好黃蠟六

雨溶化重絹濾去渣好酒一升于砂鍋內熬
數沸候酒冷蠟浮用清油一兩銚入熬熱取
蠟四兩同化成汁就銚內和前藥末乘熱拌
勻丸如豆大每服三十九空心姜湯下
製方之法極有巧思然走者太走而瀉者太
瀉偏師陷陣終不如堂堂正正之爲得也譽
之者嘆爲雄有巴豆服之不瀉此不過藉蠟
性爲之封竅耳吾不敢以爲神妙也

導氣湯

川棟子錢四木香錢三茴香錢二吳茱萸錢一長流
水煎

此爲治疝之通劑。有川棟子苦寒。濟以茴香。木香。吳萸之辛溫。肝腎並顧。寒濕盡祛。致爲妥善。

天台烏藥散

烏藥 木香 茴香鹽炒良姜炒青皮五錢

枳櫛二個 川練子十個 巴豆七十一粒

先以巴豆微打破同川練麩炒黑去麩及巴豆同餘藥爲末酒下一錢
治疝大法當溫腎柔肝兼治寒濕何至用巴豆之峻攻不及導氣湯遠矣

疝氣方

吳茱萸 枳殼 梔子 山查炒 荔枝核煨
等分爲末空心長流水下二錢

此方亦平易近人。雖無近效。然較之烏藥散。穩妥多矣。

橘核丸

橘核 川練子 海藻 海帶 昆布

桃仁二兩 延胡索 厚朴 槐實 木通

桂心 木香五錢 酒糊丸 鹽湯或酒下

此乃治癰疽之專劑。理氣破血。軟堅行水之法。俱備。其知痛楚者。不可悞用。

四味香薷飲

香薷

一兩

厚朴

姜汁炒

扁豆

炒

五錢

黃連

姜炒
三錢

冷服

暑濕此三氣。初學不能分別。多致錯悞。今爲
明白言之。時當夏令。天氣下降。地氣上升。人
處其中。暑上侵而濕下襲。暑爲天之氣。濕乃
地之氣。其熱之甚者。則爲暍。此三氣之分也。
今就暑病門中。先論暑症。雖有冒暑傷暑中。

暑伏暑等名。不過畧分輕重。其爲陽邪則一也。其因暑而貪涼受風者。便是傷風。因暑而食冷受寒者。便是傷寒。但與冬月之傷風傷寒治法不同。因暑傷風。當辛涼表散。因暑傷寒。當於清解中。參用溫藥。此爲正法。四味香薷飲。乃治感冒暑氣。陽邪遏抑之劑。卽冬月傷風中用桂枝。荆防之例。今人誤以香薷爲涼藥。不論是何暑病。首先用之。殊可怪嘆。

清暑益氣湯

黃芪

人參

白朮

炒

蒼朮

神麴

炒

陳皮

青皮

炒 麴

甘草

炙

麥冬

五味子

當歸

酒洗

黃栢

酒炒

澤瀉

升麻

葛根

姜棗煎

清暑益氣湯。藥味厯雜。補者補而消者消。升者升而瀉者瀉。將何所適從乎。且主治下有胸滿氣促一條。則黃芪升麻在所當禁。予謂此等症。但須清心養胃。健脾利濕足矣。何必

如此小題大做。東垣先生。予最爲服膺。惟此等方。不敢阿好。

生脈散

人參 麥冬

五分

五味子

七粒

肝主氣。心主血。生脈散。養心肺之陰。使氣血得以榮養。一身而又有酸。斂之品。以收耗散之氣。止汗定咳。虛人無外感者。暑月宜之。

六一散

滑石

六兩

甘草

一兩

爲末冷水或燈心湯調

下

本方加辰砂名益元散

加薄荷名鷄

蘇散加青黛名碧玉散

六一散施之於體壯熱盛濃厚太過之人則
可若體虛氣弱者則寒傷脾而滑傷腎反致
飲食減少津虧作渴至益元散鷄蘇散碧玉
散亦同此例也不可因夏月一概混投

縮脾飲

砂仁

草菓

煨去皮

烏梅

甘草

炙四兩

扁豆

炒研

乾姜

二兩

方中辛燥太過。用以快脾去濕則可。若謂清暑除煩止渴。吾不謂然。

消暑丸

半夏

一觔醋五觔煮乾

茯苓

甘草

姜汁糊丸勿

見生水熱湯下

消暑丸不治暑而治濕。使濕去而暑亦除。用

意甚佳。然必須兼清解之藥。一二味爲得。

大順散

乾姜

桂

杏仁

去皮尖

甘草

等分先將甘

草用白砂炒次入姜杏炒過去砂合桂爲末
每服二錢

此卽治暑月之傷寒也。因暑傷寒。故但不事
而不治暑。

五苓散

猪苓

茯苓

白朮

炒十銖

澤瀉

一兩六銖半

桂五錢

濕爲地之氣。其中人也。緩其入人也。深其爲病也。不可以疾而已。坐卧卑濕。汗漬雨霖。此濕之自外來者也。多食濃膩。過嗜茶酒。此濕之自內生者也。治濕必先理脾。脾土健運。始能滲濕。此定法也。又須分利。使濁陰從下而出。亦定法也。五苓散。仲景本爲脈浮。小便不

利微熱消渴。表裡有病者而設方中宜用桂枝。不可用肉桂。後人遂通治諸濕。腹滿水飲。水腫嘔逆泄瀉。水寒射肺。或喘或咳。中暑煩渴。身熱頭痛。膀胱熱。便秘而渴。霍亂吐瀉。痰飲濕瘧。身痛身重等症。總之治寒濕則宜用肉桂。不宜用桂枝。若重陰生陽。積濕化熱。便當加清利之藥。併桂枝亦不可用矣。至加減之附方。各有宜稱。亦當細細參之。

猪苓湯

猪苓 茯苓 滑石 阿膠 各一兩

五苓散治濕濁不化。故用朮桂以通陽而化。濁猪苓湯治陽邪入裡。故用滑石阿膠以降熱而存津。至於統治少陰下利六七日。咳而嘔渴。心煩不得眠。乃借渴膀胱以清腎臟。是活用之法而非正治也。

茯苓甘草湯

茯苓 桂枝 二兩 甘草 一兩 生姜 二兩

茯苓宜於獨重。以其能滲濕安神也。姜桂性溫。開解腠理。能逐水氣從毛竅而出。用甘草以補土和中。方法特妙。

小半夏加茯苓湯

半夏 一觔 茯苓 三兩 生姜 半斤

古人立方有藥味少而分兩重者。專走一門。爲功甚鉅。如半夏等湯是也。痰去則眩悸自

止濕去則痞滿自消。氣順則嘔吐不作矣。

加味腎氣丸

熟地

兩四

茯苓

乳三兩

山藥

炒

丹皮

炒酒

山萸肉

潤酒

澤瀉

酒浸

川牛膝

酒浸

車前子

炒

肉桂

一兩

附子

製五錢

蜜丸

此方之妙。全在導龍歸海。命腎之火衰微。濁陰日漸凝結。始則小便不利。繼則水氣泛溢。腹脹肢腫。但用分利之劑。徒然耗正。劫陰小

便○仍○不○能○利○。惟○用○附○桂○以○直○達○命○腎○。使○命○門○之○火○得○以○薰○蒸○脾○胃○。腎○中○之○真○陽○發○越○。則○腎○氣○通○暢○。而○寒○水○亦○行○。小○便○通○。則○泛○溢○之○水○如○衆○流○赴○壑○矣○。人○但○知○水○能○剋○火○。而○不○知○火○亦○能○制○水○。發○陽○光○以○消○陰○翳○。此○類○是○也○。

越婢湯

麻黃

六兩石膏

八兩生姜

三兩甘草

二兩大棗

十二枚

風與水在皮膚之間。故但腫而不脹。變小青

龍之制。使風水俱從毛竅而出。故名越婢。越婢者悅脾也。

防已黃芪湯

防已 黃芪

兩

白朮

七錢五分

甘草

五錢炙

每服五

錢加姜棗煎

去風先養血。治濕先健脾。此一定之法。此症乃風與水相乘。非血虛生風之比。故但用治風逐水健脾之藥。而不必加血藥。但得水氣。

去而勝理實。則風亦不能獨留矣。

腎着湯

乾姜炮 茯苓四兩 甘草炙 白朮炒二兩

方中但燥濕健脾。而不用溫腎之藥。緣此症。乃積濕下注於腎。非腎之寒。水為病也。若虛寒之體。即少加附子杜仲亦可。

舟車丸

黑牽牛四兩炒 大黃二兩酒浸 甘遂越裏煨 大戟越裏煨

淨芫花

醋炒

青皮

炒

橘紅

一兩

木香

錢五

輕粉 錢一

水丸

仲景十棗湯已極峻厲。此更厲而加厲。縱形氣俱實。豈能堪此。予謂此等症全是陰結。非陽不通。宜用附桂兼疎肝逐水之劑。此等方法萬不可用。

疎鑿飲子

羌活

秦艽

枳櫛

大腹皮

茯苓皮

椒目 木通 澤瀉 赤小豆 商陸

等分加姜皮煎

疎鑿飲。名色甚佳。用藥亦較舟車丸已輕一
等。然吾見服商陸者。必然大瀉。胸腹驟寬。不
逾時而復脹。萬無生理。蓋逐水自前陰而出。
者得生。自後陰而出者必死。學者慎之哉。

實脾飲

白朮

炒茯苓

甘草

炙

厚朴

炒姜

木香

附子

大腹皮 草薢 木瓜片 黑姜

加姜棗煎

主治條下。有色悴聲短。口不渴。二便利。數語則此症。乃脾腎虛寒。當用香砂六君。合溫腎滲濕之劑。若徒事破氣利濕。色悴者不更加憔悴乎。

五皮飲

五加皮 地骨皮 茯苓皮 大腹皮

生姜皮

此亦爲水邪客於皮膚而設。以其病不在上。故不用發汗逐水之法。而但利小便也。

麥門冬湯

麥門冬

五十枚

粳米

五十粒

姜炒

麥門冬湯。解之者。多談玄理。予則謂初起便見喘滿。則明是清肅之令不能下行。故水溢高原也。擬以桑白皮。瓜婁皮。苡仁。米等代之。

亦未爲不可。

羌活勝濕湯

羌活 獨活 一錢 川芎

藁本 防風

甘草

炙五分

蔓荊子

三分

此爲治在表之濕。故獨用風藥。關節利。則濕除矣。且屬外來之淺恙。本不在健運分消之例。

中滿分消丸

厚朴

炒一兩

枳實

炒

黃連

炒

黃芩

炒

半夏

姜製五錢

陳皮

知母

炒四錢

澤瀉

三錢

茯苓

砂仁

二錢

乾姜

二錢 姜黃

人參

白朮

炒

甘草

炙

猪苓

一錢 蒸餅丸焙熱服

中滿分消丸解者謂治熱脹此不過脾胃失職積濕所化之熱耳並非實火也若有實火則水氣安得橫行濁陰豈得復盛乎惟其寓補脾胃之法於分消解散之中不傷元氣極

爲正法

中滿分消湯

川烏 乾姜 生姜 黃連 人參 當歸

澤瀉 青皮 麻黃 畢沅茄 柴胡 二錢

吳茱萸 草薢仁 厚朴 黃芪 黃柏 五分

益智仁 木香 半夏 茯苓 升麻 三分

此方於大隊溫補中用黃連黃柏所謂從權

以寒熱藥下之也於中又升散又分利雖屬

開鬼門。潔淨府之法。究竟岐路太多矣。

大橘皮湯

滑石

六錢

甘草

一錢

赤茯苓

一錢

猪苓

白朮

土炒

澤瀉

桂

五分

陳皮

一分

木香

枳

即三分

加姜煎每服五錢

利小便。即所以實大腸。使小腸之水。滲入膀胱。而不入大腸。則五苓散中肉桂一味。尤爲得力也。

茵陳蒿湯

茵陳

六兩

大黃

二兩酒浸

梔子

十四枚炒

凡發黃症。二便不利者。用大黃。若二便如常。當去大黃。用黃連。至寒濕陰黃。則又當於分利中用熱藥矣。

八正散

車前子

木通

瞿麥

扁蓄

甘草稍

梔子

炒黑

滑石

大黃

加燈草煎

此方治實火下注小腸膀胱者則可。若陰虛夾濕火之體。便當去大黃。加天冬。丹參。丹皮。琥珀等味。不可再用大黃。以傷其元氣。

草薺分清飲

川草薺 石菖蒲 烏藥 益智仁 等分

甘草稍減半 入鹽食前服

凡淋症。皆由於濕熱。小便頻數。其爲腎虛夾熱可知。但當於滋腎中。加清利之藥。若烏藥。

益智仁之溫瀉是反行。示錮而非分清解者。謂此以疎泄爲禁止。吾不謂然。

琥珀散

滑石 二錢 琥珀 木通 扁蓄 木香

當歸 鬱金 錢炒一爲末服

上焦之熱下注小腸膀胱精道與溺道混淆。故成淋症。此於清利中少加氣藥以分清濁。極爲有法。

防已飲

防已

木通

枳櫛

生地

酒炒

川芎

炒

白朮

炒

蒼朮

鹽炒

黃柏

酒炒

甘草

稍

犀角

食前服

濕熱為病。不宜調補。亦不可攻下。此方於健
脾燥濕中。寓滋陰涼血之法。最為合度。

當歸拈痛方

茵陳

酒炒

羌活

防風

升麻

葛根

蒼朮

白木

甘草

炙

黃芩

酒炒

苦參

酒炒

知母

酒炒

當歸

猪苓

澤瀉

空心服

禹功散

疎風所以勝濕健脾所以滲濕通小便所以利濕上下中三焦之濕盡去則熱亦解散而遍身之痛止矣此不治痛而痛自止之法也

黑牽牛

四兩

茴香

一兩

爲末

每一錢

姜汁調下

此方峻猛不可輕用

升陽除濕防風湯

蒼朮

泔浸四錢

防風

二錢

茯苓

白朮

芍藥

一錢

姜棗煎

但升陽實脾而濁陰自化。尤妙在不用升麻。最爲的當。

瓊玉膏

地黃

四兩 茯苓

十二兩

人參

六兩

白蜜

二兩

先將地黃

熬汁去渣入蜜煉稠再將參苓爲末和入磁

確封水煮半日白湯化服

燥者燥烈也。不能滋潤也。喻嘉言作涼字解。予於醫醇賸義中已詳論之。如瓊玉膏之潤燥亦善策也。人參地黃氣血並補。金水相生。又加茯苓以寧心而補土。則水升火降而咳嗽自除矣。

炙甘草湯

甘草

炙四兩

生姜

桂枝

三兩

人參

阿膠

蛤粉炒二兩

生地黄一觔 麦冬去心 麻仁半觔 大棗十二枚

水酒各半煎內阿膠烱化服

或疑姜桂之辛溫恐不可以潤燥。不知此方仲景原爲傷寒脈結代。餘邪未解者而設。故溫散與清潤並行。使外邪清則正氣醒而血脈復也。

麥門冬湯

麥門冬七升 半夏一斤 人參三兩 甘草二兩 大棗十二枚

粳米

三合

半夏之性。用入溫燥藥中則燥。用入清潤藥中則下氣而化痰。胃氣開通。逆火自降。與徒用清寒者。真有霄壤之別。

活血潤燥生津湯

當歸

白芍

熟地

一錢

天冬

麥冬

括婁

八分

桃仁

研

紅花

五分

生津養血本潤燥之正法。但桃仁紅花雖云

活血恐其破血耳

清燥湯

黃芪一錢五分 蒼朮炒一錢 白朮炒 陳皮 澤瀉五分

人參 茯苓 升麻三分 當歸酒洗 生地 麥冬

甘草炙 神麴炒 黃柏酒炒 猪苓二分 柴胡 黃連

炒一 五味子粒 每服五錢

方名清燥湯而所用之藥乃有二朮陳皮黃柏神麴等以此清燥非抱薪救火乎不知此

症之要全在肺金受濕熱之邪一語蓋熱爲積濕所化濕不去則熱不清徒用清滋留濕卽以留熱故毅然用燥濕之品使濕去而熱亦清此其所以爲清燥乎

滋燥養榮湯

當歸

酒洗一錢

生地

熟地

芍藥

炒

黃芩

酒炒

秦艽

一錢

防風

甘草

五分

若大便風秘便可用秦艽防風若大便如常

便當減去風藥善走與火鑠肺金不宜

搜風散氣丸

大黃

九蒸九晒五兩

大麻仁

郁李仁

去皮

山藥

酒蒸

山茱肉

車前子

牛膝

酒蒸二兩

兔絲子

酒洗

獨活

防風

枳櫚

枳殼

麩炒一兩

蜜丸

此不過因大腸秘結以之潤腸通氣耳。乃本方自註。久服則可百病皆除。安有大黃枳櫚之峻下而可以常服者乎。

潤腸丸

大黃

歸尾

羌活

錢五

桃仁

研

大麻仁

去殼一兩

蜜丸

此以通爲潤。非專於清潤也。伏火燥結得滌蕩而始清。不待潤而燥自除矣。

通幽湯

當歸身

升麻

桃仁

研

紅花

甘草

錢炙

生地黃

熟地

五分

雖云病在幽門。亦無專治幽門之藥。不外調和氣血。開通胃府。清升濁降。而上下自安。惟不用香燥攻下。最爲有識。

韭汁牛乳飲

韭菜汁 牛乳 等分 時時呷之

韭汁去瘀生新。又能開通胃氣。牛乳補血潤燥。兼通大腸。不用辛熱劫陰傷津。洵爲良法。

黃耆湯

黃耆 熟地 芍藥 五味子 麥冬 三兩

天冬 人參 甘草 三錢 茯苓 一兩 每服三

錢加烏梅姜棗煎

氣血並補。歛陰生津極爲有力。惟方既有五
味。不必再加烏梅。

消渴方

黃連 天花粉 生地汁 藕汁 牛乳

將黃連花粉爲調服

治胃熱消渴。天花粉宜重用。黃連常用。胡連蓋川連。但能瀉心火生津止渴。不如胡連之爲佳也。

地黃飲子

人參

黃芪

蜜炙

甘草

炙

生地

熟地

天冬

麥冬

枇杷葉

蜜炙

石斛

石斛

澤瀉

枳殼

炒

等分。每服三錢。

此方妙處在清金潤肺。以益水之源。又有澤

瀉枳殼以泄鬱熱。渴止而煩躁亦除矣。

白茯苓丸

茯苓 黃連 花粉 革薺 熟地 人參

覆盆子 玄參 一兩 石斛 蛇床子 七錢五分

鷄脬脰 具三十 蜜丸 磁石湯送下

金水俱傷。方成。下消。蛇床子燥烈如火。萬不

可用。卽鷄脬脰之消導。磁石之鎮墜。皆非此

症所宜。

桑白皮等汁十味煎

桑白皮

一觔

地骨皮

三觔合煎

生地汁

五升

麥冬汁

二升

生葛根汁

竹瀝

三升

生姜汁

白蜜

一升

棗膏

一升

牛酥

三合

頗有清肺化痰除熱止咳之力。但久虛者恐其滑腸。或再加茯苓懷藥苡仁等。培土正以生金也。

治久嗽方

白蜜

二觔 生薑

二觔 取汁

先秤銅銚知觔兩訖納蜜

姜汁微火熬令姜汁盡惟有蜜觔兩在則止

每合如棗大一丸日三服

肺有伏寒久咳不止者可用若陰虛者不宜

猪膏酒

猪脂

姜汁

各二升 再入酒

酒五合

分三服

不過有此一法耳若欲以此取效吾恐其不

能也

麻仁蘇子粥

大麻仁 紫蘇子 等分洗淨合研再用水
研取汁煮粥啜
氣血虧虛不可通利。惟此潤導之法最宜。

醫方論卷三終